

## **B**er sybendteil

Frew dich also du gesegnete iungg-  
frow ußerlich vñ innerlich. dan do zū  
mal ist din sel großgemacht wordē fur  
alle tag dyns lebens. da der himlisch  
küng dauid sin edelste arch gefürt het  
mit allem volck von israhel in die him-  
lischē stat iherusalem. **B**etracht vber  
diß was grosser fröde dy selb din klar  
wirdig erhöchüg zū gebracht het allē  
burgern des himelischē richs. Mit al-  
lein den engelschē geisten welcher ab-  
fal durch dich wider brocht ist. sonder  
vch allen andern vßerwelten/ welcher  
erlösung durch dich angefangē/ vnd  
durch die gebendyte frucht duns lybs  
**J**esum **C**ristum volbracht ist. **D**wye  
frödsam wie wonsam vñ wie frölock-  
sam was aller der selben mit fröwung  
in diner groß wirdigen zū kunfft.

piij